

զթիւրերէն նոցա զիրաւունս , ապա թէ ոչ՝ սաստեւել Լատինաց չմերձեանալ 'ի սիւնն յայն , եւ հրապարակաւ ընթեռնուել զգրեանս 'ի Բեթղեհէմ , զոր ետուն : Եւ 'ի պատուիրել նոցա , Լատինք լռեցին առ ժամն , եւ ապա գնացեալ առ Քաղաքապետն աղաչէին զնա չգնալ 'ի Բեթղեհէմ եւ ոչ արգելուել զսիւնն . այլ նորա անկարելի վարկուցեալ զիրսն արձակէ զնոսա , իսկ Հայք բազմութեամբ այլազգեաց գնացին 'ի Բեթղեհէմ , կոչեցին եւ զԼատինս , բայց նոքա ոչ երեւեցան 'ի միջի . և նոքա ընթերցան զգրեանս առաջի մեծի և չորրորդ , եւ պատուիրեցին նոցա առնել ըստ հրամանին . թէպէտ նոքա հնազանդէին , այլ զոր ինչ ուսուցանէին Լատինք , զայն առնէին . զի խորհրդով Քաղաքապետին և գիտութեամբ Բղեշխին գործէին : Եւ ապա դարձան անտի յերուսաղէմ :

Սակայն Լատինք յազգմանէ Քաղաքապետին գրեցին զիր բողոքոյ առ Դատաւորն , և առաքեցին զայն 'ի ձեռն Թարգմանին և Խոստովանահօր , որ էր 'ի նմին պահու 'ի տուն Նախիպին և Միւֆթեայ , և մատուցեալ զգիրն ասեն . եթէ էիր 'ի դատարանն , կրօնաւորք բազմութեամբ ունէին դալ առ քեզ , այլ ըստ որում հրաւիրեալ 'ի տուն այլոց , զմեզ միայն առաքեցին , ընթերցիր զսա և բարեք 'ի միտ առ . թէպէտ Դատաւորն սաստիւ արար նոցա պատասխանի , բայց երկիւղն սակաւ առ սակաւ տիրէր սրտի նորա , և նոցա նշմարեալ՝ առաւել վիրաւորեցին զնա բանիւք և մեկնեցան : Տանուտեարք տեսեալ զնա 'ի տխրութեան , թէպէտ եւ սիրովեցին և հանգուցին զնա անդ , բայց աննինջ եւ անհանգիստ , և 'ի ժամու աղօթից ելեալ անտի գնաց 'ի դատարան , և կոչեալ զԴիօնէսիոս վարդապետ պատմէ նմա զամենայն անցս գիշերին , եւ ցուցանէ զգիր Լատինաց , պարսաւելով զանհետեթ բանս և զշարժմունս նոցա . եւ 'ի կարգս բանից ասէ՝ զի՞ չիոյթ էր ինձ դալ յայս քաղաք եւ վասն Հայոցք անկանիլ յորոգայթ . դուք ոչ կարէք հոգալ զամենայն պէտս իմ , որով զօրացեալ գործեցից զմեծամեծս յօգուտ ձեզ և ոչ 'ի ձեռաց Լատինաց ազատել , ուստի հարկ լինի դառնալ 'ի կողմն Լատինաց՝ զի մի վտանգեցայց : Իսկ վարդապետն մեղմով իմն առաջի եղ նմա զհրովարտակ Արքային , զկատարումն